



Inatsisartunut ilaasortamut
Anna Wangenheim
Demokraatit

Pisortat ingerlatsiviini napparsimalluni sulinngitsoortarnerit pillugit § 37 naapertorlugu apeqqutinnut nr. 340-mut akissut

Matumuuna tulliuuttuni apeqqutinnut akissut nassiunneqarpoq.

1. Pisortat ingerlatsiviini napparsimalluni sulinngitsoortarnerit qanoq amerlatigaat, aammalu napparsimalluni sulinngitsoortarnerit ikilisinniarlugit pilersaarutit sorliit Naalakkersuisut aallartisarsimavaat?

Ajoraluartumik Naalakkersuisut pisortat ingerlatsiviini tamarmiusuni, ima paasillugu Namminersorlutik Oqartussani, kommunini, suliffeqarfinni namminersortitani il.il. napparsimanerit pissutigalugit suliarunngitsoortarnernik tamakkiisunik ilisimasaqanngillat.

Taamaattoq piffissamik suliffiusumik nalunaarsuinnermut atortorissaarummi paasissutissat nalunaarutigineqartut tunuliaqutarlugit qitiusumik allaffeqarfissuarmi napparsimanerimi sulinngitsoornerit naatsorsorneqarsinnaapput. Matumanilu qitiusumik allaffeqarfissuarmik oqarnermi aqutsisoqarfiit naalakkersuisoqarfiillu pineqarput. Napparsimanerimi sulinngitsoornerit takussutissiami tulliuuttumi takutinneqarput:

Qitiusumik allaffeqarfissuarmi napparsimanerimi sulinngitsoornerit, ukiut suliffikkaarlugit nalunaaquttap akunneri

	2016	2017	2018
Napparsimalluni sulinngitsoornerit ukiumut nalunaaquttap akunneri	96,8	98,9	101,2
Meeqqap napparsimanerani sulinngitsoornerit ukiumut nalunaaquttap akunneri	9,9	9,2	10,4

Naalakkersuisoqarfiit aqutsisoqarfiillu ataasiakkaat namminneq sulisorisamik piffissamik suliffigisamik nalunaarsuutaanik akuersinissamik suliassaqarnerat erseqqissaatigineqassaaq. Immikkoortortamit immikkoortortamut pineqartumi periutsit assigiinngissuteqarsinnaanerit annertuumik ilimanaateqarpoq.

2. Pisortat ingerlatsiviini napparsimalluni sulinngitsoortarnerit nunani avannarlerni pisortat ingerlatsiviini napparsimalluni sulinngitsoortarnernut naleqqiullugit qanoq isikkoqarpat? Assigiinngissuteqartoqarpat

Brevdato: 19-11-2019
Sags nr. 2019 - 24247

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Naalakkersuisut pissutaasinnaasumik imaluunniit pissutaasinnaasunik naliliinissaannut piunasaqarfigaagut.

Kalaallit Nunaanni qitiusumik allaffeqarfissuarmi 2018-imi agguaqatigiissillugu napparsimanermi sulinngitsoornerit takussutissiaq siulianiittoq naapertorlugu ukiumut suliffiusumut ilivitsumut sanilliullugu nalunaquttap akunnerinut 101,2-nut nalunaarsorneqarpoq. Qallunaat Nunaanni pisortat ingerlatsivianni pisortatigoortumik misissuineri agguaqatigiissillugu napparsimanermi sulinngitsoornerit ukiumut suliffiusumut ilivitsumut sanilliullugu ullunut 11,4-nut,¹ nalunaquttap akunnerinut 91,2-nut naleqartumut naatsorsugaapput. Taamaalillunilu nunatsinni qitiusumik allaffeqarfissuarmi napparsimanermi sulinngitsoornerit qallunaat pisortanik ingerlatsiviinut sanilliullugu qaffasinnerulaarsorinarpoq.

Irlandimi 2017-imi pisortat ingerlatsiviini napparsimanermi sulinngitsoornerit ullunut 8,8-nut naatsorsorneqarput.² Tamanna Kalaallit Nunaanni pisortat ingerlatsivianni napparsimanermi sulinngitsoornerit ullunik 12,65-inik agguaqatigiissitsinermit appasinnerulaarpoq.

Norgimi piffissami 2007-imit-2012 imut pisortat ingerlatsiviini napparsimanermi sulinngitsoornerit ullunut 15,63-inut naatsorsorneqarput.³ Tamanna Kalaallit Nunaanni pisortat ingerlatsivianni napparsimanermi sulinngitsoornerit ullunik 12,65-inik agguaqatigiissitsinermit qaffasinnerulaarpoq.

Siuliani assersuussinerit annertuumik mianersorfissaqarput. Nunammi assigiinngitsut akornanni ilaatigut naatsorsueriaatsit annertuumik assigiinngissuteqarsinnaapput, soorluttaaq suliffeqarnermi pissutsit aaqqissuunneri, pisortat namminersortullu ingerlatsiviisa killingi nalinginnaasumillu inooqataanikkut aningaasaqarnikkut atukkat nunamit nunamut assigiinngissinnaasut.

Naalakkersuisullu tamatuma saniatigut nunat ataasiakkaat assigiinngissutaasa tunuliaqutaannik paasissutissiinnaanngillat.

3. Naalakkersuisut allanik suliamut soqutiginaatilinnik paasissutissiinnaanerlutik?

Aatsitassanut Suliffeqarnermullu Naalakkersuisoqarfik apeqqut manna pillugu oqaaseqaateqarnissamik qinnuigineqarpoq. Naalakkersuisoqarfik ima paasissutissiivoq:

Suliffigissaaneq pillugu siunnersuisoqatigiit nunatsinni sulisitsisut sulisartullu kattuffii suleqatigalugit, ukiuni kingullerni timikkut sulineri ajoqusernerit

¹ Økonomisk analyse: Sygefravær i den offentlige sektor, december 2018, Beskæftigelsesministeriet og Finansministeriet.

² <https://www.gov.ie/en/press-release/668558-sick-leave-statistics-for-the-public-service-show-improvement/?referrer=/en/sick-leave-statistics-for-the-public-service-show-improvement-as-rate-falls-to-4/>

³ Sickness Absence in the Nordic Countries, 2015, NOSOSCO

tarnikkut sulinermi ajoqusernertut aallussinerminnik nuussipput. Suliffigissaaneq pillugu siunnersuisoqatigiit pingaarnertut allussivittut tarnikkut sulinermi avatangiisit pitsanngorsarnissaat pillugu paasissutissiissutinik suliaqaleruttorput, tamannalu sulinermi avatangiiserissaanerulernermik nassataqassasoq neriutigineqarpoq, taamaalillunilu piffissap ingerlanerani napparsimanermi sulinngitsoortarnernik annikillisaqataasinnaalluni.⁴

Inussiarnersumik inuulluaqqusillunga


Vittus Qujaukitsoq

⁴ www.at.gl Arbejdsmiljørådets strategi 2015 - 2018